

INUIT ATAQATIGIIT INATSISARTUNI



4. oktober 2022

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Kuannersuarni Danskit aatsitassarsiorlutik misissuisimanerisa kingunerisaannik putorsualiorfigineqarsimasup qarajarnera eqqakkat asuli uninngatiinnarneqartut qanoq iliuuseqarfiginiarneqarpap?**
- 2. Kuannersuarni aatsitassarsiorluni misissuiffigineqarsimasup putorsuup qarajarnerani eqqakkat uninngasut inuit peqqissusaannut akornusiisinnaasunik imaqarpap?**
 - A) Eqqakkat taakku sunik imaqarpap?**
 - B) Pinngortitamut avatangiisimullu mingutitsisuuppat?**
 - C) Putorsuup matuneqarsimagaluartup matuata aserfallassimasup nutaamik matuneqarnissaanik eqqarsaatersortoqarnerpa?**
- 3. Kuannersuarni putorsuup aappaa ammaannartop kikkunnit akisussaaffigineqarpa?/Kikkut putorsualiarivaat?**
 - A) Putorsuaq taanna qinngorninnik ulorianartunik aniatitsiva?**
 - B) Putorsuaq taanna matuniarneqarpa?**
 - C) Matuniarneqanngippat qanoq ililluta qulakkeeqqavarput ulorianartuunngitsoq?**
- 4. Kuannersuarni misissueqqaarluni nunaminertamik siullerpaammik qinnuteqartoqarnerani innuttaasut peqataatinneqarsimannginnerat Naalakkersuisunit qanoq iliuuseqarfiginiarneqarpa?**

INUIT ATAQATIGIIT INATSISARTUNI



A) ILO-Konventioni nr. 169 unioqqutinneqarsimasoq Naalakkersuisunit uppersarneqarsinnaava?

(Inatsisartunut Ilaasortaq Mariane Paviasen, Inuit Ataqatigiit)

Tunnngavilersuut:

Kuannersuarni aatsitassarsiorluni Danskit 1970-1980-ikkunni misissueqqaarsimanerisa kingorna putorsualiarineqarsimasup qarajarnerani eqqakkat iliinnarneqarsimasut ulorianaataat, ilisimanngilarput, matugitinneqartullu maanna aserfallassimanera aamma iliuuseqarfigineqartariaqarpoq, aammalu maanna taamaattussaannartut inissisimalersimanagerat akuersaarneqaannarsinnaagani, taassumap saniatigut putorsualiarineqarsimasoq alla matuneqarnikuunngitsup ilisimasaqarfiginera annikippoq putorsuup aappaatulli matuneqarsimanngitsoq ernumanaateqarpoq tassannga mingutitsinermik suunersumik aniasoqaratarsinnaanera. 2019-imi avatangiisinut eqqissisimatitsinermut ataatsimiititaliap Kuannersuarni putorsuup saavaniisimanerani eqqaaneqarpoq putorsuup matuaniit seerisumik aniasoqartoq maluginiarneqarsimasoq.

Siusinnerusukkut paragraf 37-ikkut apeqqutigisanni nr: 132-itut nalunaarsorneqartumi akissutigineqartoq itisiliivigeqqunarpoq. 2007-imi Danskit naalagaaffiata aatsitassanut oqartussaaffimmik tigummininneranni aatsitassarsiorfissatut misissueqqaarnissamut nunaminertamik tunniussineranni innuttaasut qanittumi najugaqartut peqataatinneqarsimanerannik takussutissaqarsimannginneq ajornartorsiutigaarput, pisinnaatitaaffiit qaangiinnarneqarsimasutut isikkoqarmat tamatumallu kingunerisaannik iliuuseqartoqartoqartariaqarluni innuttaasummi pisinnaatitaaffiannik oqartussaasunit malinngissimannginneq akueriinnarneqarsinnaanngimmat.

Kissaatigaara apeqqutit ullut qulit qaangiutsinnagit akineqarnissaat.